


15.2.206

15.V.2



FRANCISCI MARIAE

S P I N E L L I

PRINCIPIS SCALEAE

D E

ORIGINE MALI.

DISSERTATIO.



NEAPOLI MDCCL.
EX TYPOGRAPHIA BENEDICTI, ET IGNATII GESSARI,
SUPERIORUM PERMISSU.



Habet unusquisque in voluntate, aut eligere quae bona
sunt, & esse arbor bona; aut eligere quae mala sunt,
& esse arbor mala.

S. Augustinus lib. II. de actis cum Felice Manichaeo c. IV.

EMINENTISSIMO. AMPLISSIMOQVE. VIRO
DOMINICO. S. R. E. CARDINALI. PASSIONEO
ERVDITIONE. INGENIO. PRVDENTIA
CVM. PAVCIS. COMPARANDO
QUEM. CLARO. GENERE. ORTVM
PER. DIVERSOS. LEGATIONVM. ET. MUNERUM. GRADVS
FIDES. DEXTERITAS. CONSTANTIA
NON. MINVS. QVAM. NOBILITAS
AD. ROMANAM. PVRPVRAM. EVEXERVNT
QVEM. VIX. DVM. JVVENEM. ADHVC. PRIVATVM
JVRA. ECCLESIAE. CATHOLICAE
IN. VLTRAJECTINO. CONVENTV. STRENVE. VINDICANTEM
QVAMVIS. NON EADEM. SENTIENS
BATAVIA. OBSTVPPVIT
EVNDEM. HELVETIORVM. RESPVBLICA
PRIMVM. BADAЕ. QVVM. IN. COMITIIS. AGEBATVR
DE. PACE. GALLOS. INTER. ET. AVSTRIACOS. COMPONENTDA
TVM. IN. FOEDERE. GALlico
CVM. HELVETIA. CATHOLICA. INSTAVRANDO
DEINDE. JVSTA. FVNGENTEM. LEGATIONE
TANTO. FAVORE. COMPLEXA. EST
VT. NIHIL. NON EJVS. CAUSA
VELLET. EFFICERETQVE

LE.

LEGATIONE. PANNONICA
HVJVS. VNVS. STRENVITATE. ATQVE. GRATIA
DIFFICILLIMIS. ASPERISQVE. TEMPORIBVS
TOTO. IMPERIO. GERMANICO
DECVS. PONTIFICIVM. STETIT
EVNDEM. EX. DIVTINA. PEREGRINATIONE. REDVCEM
ACERRIMVS. INGENIORVM. AESTIMATOR
CLEMENS. XII. PONTIFEX. MAXIMVS
SINGVLARI. ECCLESIAE. BONO
BREVIVM. A. SECRETIS. SIBI. CONSTITVIT
CVJVS. NON. TAM. INSTRVCTISSIMA

TOTIVS. EVROPAE. BIBLIOTHECA
QVAM. VIVA. AC. SPIRANS
RARAE. DOCTRINAE. AC. SAPIENTIAE. SVPELLEX
COMMODIS. MORTALIVM. PATET
HVIC. FRANCISCVS. MARIA. SPINELLVS
SCALEAE. PRINCEPS

VETERIS. AMICITIAE
ET. BENEFACTORVM. MEMOR
GRATI. ANIMI. TESTEM
NVPER. DOMI. NATVM. LIBELLVM

D. D

LECTORI

ΣΟΦΟΤΑΤΩ

S. P. D.

P. I G N A T I U S A C R U C E
A U G U S T I N E N S I S D I S C A L C E A T U S

Sacrae Dogmaticae Theologiae Professor.

HOMINES nequissimi cum facile sibi stulte persuadeant necessitate veluti quadam ad peccandum se adduci, ejusque rei causam cum Deo tribuere nolint qui natura bonus est, immo ipsissimum summum Bonum; nihil commodius illis se offert quam de duplici principio, quorum unum sit cujusque boni, alterum malorum omnium princeps ac effectrix causa, pervetus error qui ne dum olim nobilissima exercuit ingenia, verum etiam doctissimorum hominum mentes magna contentione fatigavit. Etenim hic error tum hominum, causam peccatorum ab se amoliri cupientium, stultitiae & philausiae magnopere blanditur; tum autem vitiis quibusvis atque pravis cupiditatibus & illecebris fraena laxat. Quadere, oportet Lector, ne mirearis, quid sit quod cum longe sit absurdissimus, & cum primis rectae rationis principiis pugnet; attamen tot tantosque nactus sit fautores ac defensores, ut omnibus fere Ethnicæ Philosophiæ magistris adrisisse optimo quidem jure arbitremur. Ab Chaldaeis ortus ad Persas discurrit, postmodum ad Graecos transiit, denique ab Graecis Christiani malam opinionem animo imbiberunt; itaque de mali origine dubitatio, quæ aliquandiu philosophos christiani dogmatis ignaros pupugit torsetque, & eos etiam, miserrimo facti naufragio, ad cautes syrtisque detestandi erroris allisit, qui mentem divinis veritatibus imbuti jam Christo nomen dedere. En Simon

ille

ille magus perditissimorum haereticorum omnium facile princeps, inter impia ejus dogmata, & hoc, teste S. Epiphanio, refert nostrum hoc seculum, ab nequitiae principatibus ac potestatibus cum defectu conditum. Simoni antiquiori haereseos architecto succedit Menander; pone sequuntur Saturninus, Basilides, Carpocrates, aliique in coenoso quorum luto haesis quoque Valentinus haeresiarcha, & reliquis missis quorum non magna est celebritas, Hermogenes etiam prae ceteris hoc nomine notus quod materiam mali originem Deo coaeternam non solum indocte, sed etiam impie statuerit. Postremo autem omnes vincunt Manichaei haereticorum pestilentissimi adeo equidem ut error ab ipsis nomen acceperit. Hoc paucis descriptum, Lector crudirissime, fatum Manichaeismi; quem praeter alios Ecclesiae PP: merito cumprimis egregie verberavit, prostravitque maximus S. Aurelius Augustinus. Huic enim cum intime Manichaeorum placita perspecta essent atque explorata, innumeris ea consutavit argumentis, ut quoddam velut Manichaeorum flagellum evaserit. Quaderis victus perditio subactusque siluit Manes; & hodie sileret etiam, nisi ejus nefarium ac pestilentem errorem iterum in scenam non minori strepitu prodire jussisset auctor Dictionarii Historici Critici, qui sub vocibus Manichaei, Marcionitae, Pauliciani, Origenes alibique subdolo ratiociniorum artificio, & conatu maximo non semel suadere adgreditur, armis quae sola bignana ratio suppeditat, debellari Manichaeismum nequaquam posse, & amplam quaquaversum pro re nata sui systematis defendendi occasionem opportunè nactus, qua data porta ruit ut vel omnino ab radicibus impie religionem convellat, vel id cum adsequi nequeat, Pyrrhonismum saltem alte in hominum animis infingat; constabiliarque. Verum sibi non defuit Dei Optimi Maximi Providentia, quam sua hic auctor pervicacia, & maledico dente carpsit; habuit enim ex adverso vel etiam inter ipsos Protestantibus qui se defenderent, relaque adversus ipsam vibrata a Baelio in ipsummet ferientem magno successu repellerent.

terent. Quos inter primo nobis loco nominandus occurrit
 Johannes Clericus cum in Parthasianis; tum in aliis quam-
 plurimis suae Bibliothecae selectae locis: qui eo quo praec-
 ditus ingenio, & sermonis elegantia, rem acutius tetigisset
 atque de prostrato Baelio nunc plene triumphum caneret,
 nisi quod in eo quam maximum vitium est, & peccatum
 magnopere detestandum, cavendumque ab omnibus, utpote
 catholicae Fidei quam profitemur, adversum, systemati Ma-
 nichaeorum systema opposuisset Origenis ἀποκατάστασις univer-
 salem constituentis; itaque causam, ut ait Leibnitzius, Orige-
 nistarum propugnasset quin se Origenistam professus sit. Sequi-
 tur deinde Guillelmus Kingius qui interea temporis dum magno
 contentionis aestu Baelium inter & Clericum acriter lis vige-
 bat, utrinque etiam isti scriptis inter se digladiabantur,
 librum edidit de Origine mali. At quid? licet multa in
 ejus commentario praeter ceteris habeantur de entium liberorum
 praestantia, & causis cur a Deo creata sint, in quibus
 omnibus maxima se prodit eruditio; attamen quamplurima
 spongia digna in illo occurrere dudum viri docti observa-
 runt: cumprimis vero illud, quod contendit mala quaevis
 tum naturalia tum moralia ex Sapientia, Bonitate, ac Po-
 tentia Dei necessario orta fuisse, ita ut hae Numinis per-
 fectiones infinitae non fuissent, si illa non essent, aut esse
 potuissent. Hoc vel dictu nefarium & abominandum sen-
 tiunt omnes, in quibus communis sensus vestigium aliquod
 superest. Etenim haec si vera sententia esset, tum Deus
 mala omnia impedire nequiret, tum scelera; peccataque
 non permitteret solum, sed ad ea prorsus impelleret, mo-
 veret, excigaret, ac velut invisos pro potestate compelle-
 ret; atque ad hoc ex perdita Kingii opinione id consequens
 esset quod post Lutherum Calvinus debileravit, peccato-
 rum omnium, quae in mundo fiunt, nullam penes illos
 qui ea perpetrasse dicuntur, residere culpam, sed totam
 in Deum refundi. Potestne quicquam esse absurdius? Pro-
 fecto nihil; cum nihil adeo propbanis juxta atque sacris
 usita-

usitatum scriptoribus reperies, nihilque ipsius rationis lumen conformius quam mali auctorem non esse Deum. Jam vero Jaquelorio pariter Baelius suum expertus est adversarium. Hic enim edito Amstelodami libro De concordia rationis & fidei, sane equidem Baelium ad palinodiam canendam adegisset, nisi dubio respondens de aeternitate paenarum Inferorum adseruisset, forte solam boni aeterni privationem omnes damnatorum poenas absolvere: quod vel eo solo titulo praeter ceteros meritissimo repudiatur, quod in Christi Ecclesia plane sit inauditum, incognitumque omnibus Ecclesiae Patribus, ac Theologis conclamantibus, non sola damni poena impios esse puniendos, verum etiam poena quam sensus appellant. Res enim satis superque explorata est in divinis Codicibus, aversioni a Deo quae in peccato reperitur, eam poenam respondere quae in carentia divinae fruitionis posita est, ut scilicet quemadmodum quis peccando a Deo se avertit, ita ab eodem derelinquatur, ne particeps sit aeternae beatitudinis; conversioni vero quae secundum affectum, & voluntatem peccantis etiam est in peccato, tormentum quod sensus dicitur, ut sicut nimio plus in creaturis quispiam delectatus est, ita ex iisdem tristitiam recipiat tormentumque juxta illud Apocalypsis XVIII. Quantum glorificavit se & in deliciis fuit, tantum date illi tormentum & luctum. Jaquelorio adjungitur Leibnizius qui argumentum de mali origine adversus Baelium dignum quoque censuit, in quo ingenii sui vires periclitaretur. Suam porro ut hac super re ~~qua de fictitio fumus~~ extricet mentem in tentamine Theodiceae statuit principii loco, Deum Eus intelligens, sapientissimum, potentissimum, benignissimum non potuisse non eligere id quod est optimum, seu quod est melius. Quod primo jactum fundamentum variis deinde exornat, expolitque byporbesibus ex quibus fluit jam ab se cūsum fictitium atque ideale systema. Sed quam longius a veritate suum commentum aberret vel ex uno lubrico sane colligi quit principio, quo tota quantan-

taquanta est suae sententiae compages nititur . Nam si nihil omnino facere Deus potest nisi quod est optimum & melius : id autem solum & optimum & melius est quod reipsa facit ; & ideo , ut olim obganniebat Abaelardus , nihil aliud praeter id quod facit facere potest : non quod vult facit , sed fatali quadam necessitate trahitur ; ut & hoc faciat unum , & certo tempore , modoque velut ad praescriptum facias . Hoc qui dicis non solum libertatem Deo , sed etiam omnipotentiam atque ipsam funditus divinitatem eripit . Vide ; Lector sapientissime , ruinofum principii Leibnitiziani consequens ? Eo igitur cadente corruat quoque omne Leibnitizii systema necesse est . Denique , quid ceteros commemorem anti-baelianos scriptores inter ipsosmet Protestantes celeberrimos ? Nostratesne desint ? quin magnus eorum numerus : omnis enim aetas suos habuit Sapientes qui strenue Dualismum profligantes , non solum animose , & fortiter , sed considerate etiam , sapienterque pro Dei Unitate steterunt . Amplissimus heic se mihi nunc aperiret campus Catholicorum Theologorum laudes percensendi , qui pro rei dignitate hocce argumentum tractarunt , atque eorum etiam Philosophorum peccata aperiendi , qui nimio plus aut lumini rationis , aut suis conjecturis indulgentes rem hanc tot operuerunt involucris atque integumentis , ut quid in ea admiscere , quidve respuere profecto statuere nesciamus . Sed brevitati , ut par est , consulens omitto . Id porro unum adseram confidenter egregium Virum mathematicis , philosophicisque de rebus optime meritum , sumque aureae morum suavitatis , sumque selectioris eruditionis , ac sapientiae vere principem Franciscum Mariam Spinellum ista , quae modo typographicis formis excudenda committitur , anti-baeliana Dissertatione , ita omne punctum tulisse ut nihil ei addi , aut in ea nihil emendari posse facile credam . Hoc meum de isto opere iudicium an reapse firmum sit & partium studio liberum , tu , Lector sapientissime aequi bonique aestimator , iudicabis . Me profecto quod adinet , scio ea quae
ad

ad intimam mali originem detegendam ; illustrandamque
apta sunt ipsum brevi ita complexum , nihil ut adjici præ-
sertea posse videatur . Ut ecce quanta luce intricatam quæ-
sionem perfundis ? Errores vero in quos alii miserrime pro-
lapsi sunt , quanta dexteritate evitavis ; qui O ab inti-
mis humane voluntatis principiis argumenta interdum ad
rem suam opportune accersis ; O vicissim ad veram mali
originem aperiendam ab sacris vetustis Voluminibus lucem
saepè eximiam mutuatur ? Postremo , ne quid præterisse
videretur , non animosius modo , sed potius quoque ac feli-
cius Baelianis argumentis scitissime occurris . Usinam vero ,
ornatissime Lector , per valetudinem diuturnis meditationi-
bus profligatam tanto de scientiis optime merito Sapienti li-
ceat tum Physicam experimentalem rerum Spiritualium ,
tum de Origine Boni dissertationem alteram , tumque Criti-
cas animadversiones ad quosdam Baeliani Dictionarii ar-
ticulos , ceteraque quæ jam meditata ad manus habes
hujus operis auro magis aurei pertexere ! Oprandum profecto
omnibus hoc esse reor ; ut vel ipsius saltem exemplo exci-
tati viri eruditi alii certatim in partem ipsius curæ ve-
niant , tuque identidem ut modo de hac Dissertatione , de
aliis etiam doctissimis Spinellæis scriptionibus perfruaris .
Vale ..

APPROBATIO

Opusculum hocce ab Excellentissimo Austore excellentissimè conscriptum majus est omni laude; utpote in quo admirabilis est methodi dispositio, styli claritas, verborum delectus, & verae Christianaeque Philosophiae solida doctrina ex aditis sapientiae deprompta. Datum Neapoli ex AEdibus nostris octavo Calendas Maij anno Aerae Christianae 1730.

Julius Nicolaus Episc. Archad. Can. Dep.

APPROBATIO

S. R. M.

IN Petri Baelii Dictionario serpit virus quoddam occulte licet insinuatum, neque aperte traditum, ac non minus perniciosum, quod obice aliquo intercludendum omnino e re Christiana videbatur. Id praestitit Vir egregius, & incomparabilis Franciscus Maria Spinellus Scalearum Princeps primarum Gentium Patricius, in quo raram sane concordiam, Generis nempe nobilitatem, & egregiam literarum gloriam admiramur: Cujus Opusculum praefens contra Baelium alioquin ejusdem farinae homines (qui in Religionis negotio aequo plus ingenio, humanaeque rationi indulgentes, res ejusdem difficiles inventis suis implicarunt potius, quam explicarunt) elucubravit, nihil a Christiana Philosophia abnorme continet, vel quod Regia jura laedere possit. Dignam, selectamque egregiae Dissertationi haec addidit Doctissimus Vir Adnotationem, qua recentes Increduli, & Novatores perspicue, apposite, graviterque omnino revinci possunt. Quam ob rem, ut Typis idem Opusculum detur neque jus impedito esse arbitror, neque fas. Neap. Kal. Octobris 1730.

M. V.

Humil., & Devotiss. Servus.
Thomas Tagliatela Reg. Sac. Can. Professor.
Die

Die 3. mensis Novembris 1750.

Viso rescripto suae Regiae Majestatis sub die 31. mensis Octobris, ac rescripta relatione facta per Reverendum D. Thomam Tagliacarta de commissione Reverendi Regii Cappellani majoris praevio ordine praefatae Regiae Majestatis.

Regalis Camera Sanctae Clarae provideat, decernit, atque mandat, quod imprimatur cum inserta approbatione dicti Reverendi Revisoris, & in publicatione servetur Regia Pragmatica hoc suum &c.

CASTAGNOLA
FRAGGIANNI

ANDREASSI
GAETA.

III. Marchio Danza Praefes S. R. C. tempore subscriptionis impeditus.

Registrata fol. 33.

Larocca.

Citus.

ADDENDA ET CORRIGENDA.

Pag. IX. ver. 32. affici corripe affigi

Pag. XIII. in Nota ver. 3. primae columnae dixi. corr. dicam

Pag. XVI. vers. 2. fulgiamur corripe fulciamur

Pag. XXI. vers. 32. Dum corripe Deum

Pag. XXIV. ver. 19. post nunc malum vicisse bonum adde nunc bonum malum consequi oporteret.

Pag. XXXIII. ver. 9. turpitudes corripe turpitudines.

DE

ORIGINE MALI

DISSERTATIO.



Ultis abhinc annis legenti mihi Dictionarium Baelii ejus quamplurimae propositiones, immò cavillationes nedum Fidei, verum etiam naturali rationi, communique hominum sensui adversantes occurrerunt, quibus stomachatus, continere haud me potui, quin ad earum aliquas graviores stomachosioresque in crassis verstantes erroribus, meas qualescumque notas apponerem; quae cum ad amicorum manus pervenerint, continuò insistere mihi, ut eas typis vulgandas curarem.

At ego hoc faciendum minimè adhuc censueram; tum quia temporis progressu errores debilitate concidunt sua; tum quia hujusmodi Baeliani eo in praesentia apud homines tanti profecisse videntur, quo in nostrorum cordium corruptela viam latam reppererint. Unde melior, immò vera ratio, qua istius Auctoris sophismatum vanitas detegatur, est corruptelae hujus a nobis amandatio procul, quia tunc mens in se reversa continuò illos parvi faciet, quin & ab illis abhorrebit.

In nostri Protoparentis peccato, Voluntas, quae Intellectum sequi debebat, eum oppressit, illumque ducem amplius habere noluit, sed suis solummodo libidinibus obsequentem, itaut, nobis malum omnimodò perpetrare volentibus, quia Intellectus quamquam depressus, numquam tamen desistit aliquod praebere lumen, quo in tales libidines stimulus excitetur assiduus; Voluntas vult eum cogere, non solum ad sibi acquiescendum, sed etiam ad

A

ejus

(II.)

ejus libidines ratas habendas , aut saltem excusandas .

Adamus non peccavit sui sensus gratia , non dominandi ambitione , quia solus tunc erat , & suae omnia ditioni subiecta , ut nec divitiarum cupiditate , quae tunc non existebant . Suae Voluntatis libido , quae Intellectum devicit , fuit illa se Deo aequalem fieri , ut inde Bonum ; & Malum sciret . Malum jam ille scivit , & in Mundum invexit , cum primum non erat , saltem in Terra ; scivit quoque Bonum , quod post Malum , cui frenum ali- quod , nempe minus malum , ut daretur , inveniendum fuit amisso vero Bono , quod Deus erat . Hoc Malum in ejus descendantibus in omnes perditas sensus libidines , trucesque cupiditates Dominii , Divitiarum &c. se diffudit . Sed ipsae libidines alteram altera sua enormitate debilitavit .

In praesenti Mundus consensuit , cui contigit quod homi- ni , qui cum strepens malum amplius perpetrare non posset , evadit *Hypocrisa* . Ut si pulchrae mulieris compos esse nequiverit , ejus aspectu tamen cupide oblecta- bitur , quia nunquam senescunt oculi , ut in Proverbio Hispano . Si spem suam fortuna juvenibus amica frustra- bitur , aliis praeesse cupit prudentia , & veluti Oracu- lum audiri , & coli . Ita igitur in praesenti *Hypocrisa* saeculo , nemo Principum sibi Acquisitoris , vel potius Devorantis provincias titulum amplius assumit ; sed aspera interdum bella hisce nostris temporibus totum Orbem va- stantia nomen , aut propriae defensionis , aut sui ~~fonderati~~ , aut aequilibrii Orbis , praefecerunt . Nullus Amor erga mulieres alienas pravus , sed Platonicus , & purae amici- tiae nomine tectus . Nullus Judex , vel Minister Justi- tiae venditor , sed mercedis exactor , quae ei (ut cre- dit) pro actis , laboribusque debetur . Omnes denique homines cujuscunque sint status , sibi sua ipsis peccata specie legitimi , atque honesti obtegere conantur .

Ideo igitur quisquis , quem quia tituli Athei pudet , mi- nimè Deum negabit , immò expressè vult eum esse , ut
ci

(III.)

ei propriae corruptionis causam ; quam in semetipso nolit cognoscere , tribuat .

Postquam genus humanum pervagatum fuerit omnia rapinarum , foedissimarum obsoenitatum , omnium denique atrocium facinorum , atque flagitiorum genera , jam defatigatum est ipsis , quae in seipsa abominationem cient , perniciosas propter consequentias quas patenter secum trahunt . Sed non idem delinit eadem flagrare concupiscentia , eodem proprio affici Amore , quo fuit ad ea perpetranda impulsus . Concupiscentia est fons , qui septem discurrit in ora generum peccatorum , quorum uno ore clauso , & exsiccato , eadem noxiae aquae quantitas sex aliis accrescet ; quibus omnibus deficientibus ; tota aqua ductui superbiae accresceret , quae sicut fuit primum in Adamo peccatum unde alia , ita in nobis sine gratiae Divinae auxilio nunquam exhaurietur .

Mundo praesenti igitur , si non defestis aliis sex ductibus ; saltem eorum pestifera aqua minori strepitu egrediente , magis superbiae ductus excrevit ; quae si nostro Protoparenti desiderium , ut esset sicuti Deus sciens Bonum , & Malum , excitavit ; nos ad obtegendam causam Mali , quae sola nostra fuit , in id impellit , ut excogitemus qualecumque sophisma , ut eam in Deum transferamus .

Hinc foedae obsoenitates Aretini , trux Macchiavelli Politica , impudens Lucretii Atheismus , non amplius movent , immò subtilem nostri saeculi malitiam offendunt ; cum haec in Baelio materiam omnem se oblectandi invenit .

Quia Auctor iste , quanquam nec suae vitae exemplo , neque suis scriptis , nedum sensus voluprates , sed ne quidem dominandi cupiditatem , & acquirendi divitias promovisset ; nihilominus acuendo supra coeteros ferme omnes , ambitionem suam , omnia super ingenia dominium affectavit ; ideoque aliorum opinionibus magis exploratis , & certioribus adversari conatur defendendo inauditas , imo monstruosissimas , ad suum ingenium ostentandum .

(IV.)

Ideo Davidi ; ac Sanctis Ludovico , Crysoftomo ; Bernardo &c. tot a se confictos defectus affigit ; immò quotquot sanctissimi , ac perfectissimi sunt apud homines habiti , calumniatur ; cum è contra scelestissimos omnes exculet , immò laudet magnificiatque .

At quia Deus iustissimus , sanctissimus est , immò Sanctitas ipsa , ipsa Iustitia , precipuè ab eo fuit lacesitus : Negare illum , nimis vulgaris impietas erat , quamque non pauci jam amplexi fuerant , ideo iste Baelius voluit impietatem suam ultra protrahere , Divinam infestando Providentiam , tribus praesertim subdolis , ac fallacissimis propositionibus ; nimirum : Cur Deus peccabiles nos creaverit ? Et si peccaturi eramus ; cur nos creavit ? Et quare reprobi poenae in alia vita aeternum duraturae ?

Hae igitur Propositiones Baelianae praesenti nostrae superbiae aptatae cum sint , atque cordis corruptioni , eam nisi penitus auferamus , Intellectus vix ad nos illuminandos , illarum ut falsitatem videamus , resurget , & si ad modicum tempus hoc faciet , ejus lumen in nihilum nobis proficiet , sed , ut ignis fatuus , statim ab ipsamet nostra corruptione extinguetur .

Ergò istae duae rationes meas notas divulgandas morabantur . Sed cum jam nonnullae contra Auctorem istum oppugnationes prodierint , quae Sapientum omnium calculo huic pugnae impares aestimatae fuere , immò fortassis errores Baelianis non inferiores pariturae : ego animadvertens , errorem eo in hominum mente magis radices agere , quo minus rectè impugnabitur ; ne hujusmodi Baeliani , vel ulterius progrediantur , animum induxi meum ad illas typis mandandas , quas spectabiles Viri censuere utiles ad hujus Aëtoris paralogismos ostendendos .

Sed antequam istos paralogismos a frontè adoriar ; mihi nonnullas veritates de intima nostrae Mentis natura visum est

(V.)

est statuere ; quia , his firmatis non longè petitis ratiociniis , neque commentitiis , aut subtilioribus argumentis , sed earum certa , atque explorata experientia in nobis ipsis , illicò illorum vanitas apparebit .

De Mente , & Corpore .

Nemo mortalium ignorat , se habere Vitalitatem illam , illud Principium agendi , quod certè in plures partes dividi haudquaquam potest . Etenim quisque nostrum clarè , evidenterque experitur , illud suum *Ego* , duo , vel plura fieri minimè posse . Quapropter hoc proprium *Ego* unicum , & individuum , atque ab omni re corporea omninò secretum , jure meritoque Mentem appellamus . Experimur pariter proprium corpus ita esse dividuum , ut nullam ejus partem , quantumvis minimam , concipere possimus , quae in alias minores semper & minores dividi nequeat , vel quod idem est , quae ex aliis pluribus partibus non constet .

Qua de re clarum perspectumque est , hominem duabus substantiis constare , quarum una Mens dicitur , quae semper Activa , una , & individua est ; adeo ut vocabula isthaec Mens , Actio , Unum ut Synonyma haberi debeant . Altera verò substantia est proprium corpus , quod experientia docente , & Ratione distante passivum , iners , & otiosum est . Etenim quodnam principium actionis inveniri potest in eo , ubi nunquam unum reperitur , a quo certè principium illud emanare deberet ? Quapropter Corpus , Passio , Perpetua multitudo , vel *απειρὸν πλῆθος* etiam synonyma erunt . Quae quum ita se habeant quis non videt , nos , praeter hasce duas substantias , alias substantias concipere haudquaquam posse , quandoquidem inter unum , & plura non datur medium , quod , ut attendenti patet , non sit aut Unum , aut Plura . Mens igitur utpotè Activa agit in Corpus , illud movendo ,

(VI.)

do , aut ejus motus directionem immutando , idque exequitur sua propria vi , suaeque propria natura . Cum enim sit ipsamet actio , non solum in semetipsam , sed in corpus quoque , quod est Passio , activitatem illam suam exercere debet . Corpus verò è contrario cum sit ipsa Passio , nequit certè in mente sensationes , ut ajunt , imprimere , aut excitare , quum agere ejus naturae omninò repugnet . Et quamquam ob corporeos motus , ut experientia patet , quaedam in mente excitentur sensationes , id non aliter accidit , nisi juxta legem illam Dei jubentis , ut occasione talium motuum corporeorum , tales quoque excitentur in mente sensationes , quae tamen improprie dicuntur Passiones .

De Mentis Facultatibus .

TRes sunt Mentis facultates , Vitalitas , Intelligentia , & Voluntas . Vitalitatis duae sunt operationes . Una sensus internus , per quem sui ipsius est conscia , & quem Mens a semetipsa elicit . Altera sensus , qui dici potest externus , non eo quod extra ipsam sit , vel quia ab externis rebus in illa efficiatur , vel imprimatur , sed quia a rebus externis , vel excitatur , ut in blandis sensationibus , vel cogitur , ut in tristibus , veluti doloribus &c. ad illum in semetipsa formandum .

Intelligentiae adhuc duae sunt operationes , Intuitiva , & Reflexiva . Per intuitivam ~~Mens~~ res , vel earum Attributa , directe cognoscit . Per Reflexivam Intellectus se detinet circa cognitionem obviam , sed directam , ut eam examinet , videndo naturam , proprietates , Attributa , affectiones , modos &c. rei cognitae : ut quando Triangulum apprehendit , se detinet circa ideam Trianguli , ut in illa cognoscat Triangulum esse figuram tribus lineis comprehensam , habere tres angulos , duobus rectis aequales &c.

Ad

(VII.)

Ad Reflexivam credo pertinere Memoriam ; per quam Intellectus jungit Ideas , seu cognitiones , seu sensationes praeteritas , & futuras , cum praesentibus . A qua junctione , omnia judicia , omnes ratiocinationes , imo omnis tristitia , & delectatio , quae a sensibus in nobis producantur , dependent . Nam cum dico : *Petrus est pulcher* , jungo ideam *Pulchri* , quae jam in me erat , cum Idea Petri , quae mihi est praesens . Cum dico : *Si Petrus est pulcher* , ergo *est amabilis* , jungo Ideis *Petri* , & *Pulchri* , Ideam *amabilitatis* , quae in me erat . Cum video Petrum , & credo eum esse Paulum , quid aliud facio , nisi jungere Ideam praeteritam Pauli , cum praesenti intuitione Petri ? In Doloribus , quae est causa verae afflictionis , seu tristitiae ? Nisi ope Memoriae jungere cum praesenti dolore praeteritum , & futurum , cum solum praesens , cum instantaneum sit , instantanea etiam esset afflictio , ut fuit etiam in momentis praeteritis , & erit in futuris ; quae si singula spectentur , & unum ab alio secretum , ut verè sunt , semper instantanea , & numquam permanens invenietur afflictio . Sed quid est quod illam reddit permanentem , & intensam , & verè Tristitiam ? nisi Memoria , quae semper momenta Praeterita , & futura jungit cum praesenti ? E' converso quid Gaudium , & Laetitiam in Delectationibus efficit ? nisi Memoria , quae colligit in momento ~~praesenti~~ , ~~momenta~~ praeterita , & futura Delectationis .

In voluntate etiam duas operationes experimur Amoris ; seu Desiderii , & Assensus , seu Judicii . Principium desiderandi in Mente Creati est Amor erga semetipsam , cui insitus est . Ea verò cum sit terminata necessariò etiam desiderare , concupiscere , appetere aliam rem , aliud Ens ad se in suo termino sustinendam , debet , ut distinctius infra videlitur . Operatio judicandi est assensus jungendi , vel separandi duas , vel plures Ideas , quas Intellectus format . Ut in dicto Judicio : *Petrus est Pulcher* ,

(VIII.)

cher, Voluntas conjungit apprehensionem Petri cum Idea Pulchri. Operatio dissentiendi, vel separandi duas Ideas, supponit unionem antecedentem duarum, vel plurium Idearum, ut cum dico: *Petrus non est Pulcher*, supponit, Voluntatem jam conjunxisse apprehensionem alicujus *Deformitatis* cum illa *Petri*.

In omnibus istis Mentis facultatibus videre est illam imaginem, & similitudinem Dei, quam Deus ipse nos docuit. Nam in Vitalitate quisquis experitur illud Principium agendi a semetipso, in semetipso, & in corporibus, quod quamquam imperfectè, infinitam, perfectissimam Actionem, imo immanentem divinum Actum aliquo modo exprimit.

In intelligentia videre licet operationem formandi Ideas; ut veri, boni, entis, rei, numeri, mentis, hominis, bruti, plantae, figurae, trianguli, circuli, motus, quietis &c. quae aliquo modo illam Ideam Archetypam, per quam (secundum Platonem) Deus res informat (sed verè creat) exprimunt, si non in creando, ut Ideâ Dei, saltem in repraesentando, nam per illa Mens, naturam, essentiam, attributa &c. rerum particularium cognoscit. Sed Memoria est operatio; in qua magis elucescit illa incomprehensibilis gratia, quam nostris mentibus largitus est Deus. Nam cum omnis Creatura sit in illo perpetuo, rapidissimo cursu suae existentiae, quod tempus dicitur, itaut in praesenti momento B suae existentiae, momentum A praeteritum, jam non sit amplius, uti nihil adhuc sit momentum futurum C suae existentiae: ea est vis Intellectus per Memoriam, ut quasi ex nihilo eliciat momentum A, & C, ad illa cum praesenti momento B conjungenda in Cognitionibus, ut supra diximus. Hanc vim quamquam continuâ, ut verissimam, & indubitabilem in nobis experiamur, incomprehensibilem tamen esse fateamur; nam illud sistere rapidissimum cursum praesentis, per quem
omnis

(IX.)

omnis creatura ruere debet, non solum supra; sed quasi contra naturam rei creatae videri debet. Per hanc ergo mentem potissimum, & supra omnes alias suas facultates ad imaginem, & similitudinem Dei factam esse pater; nam si aliae, aliquod divinum attributum, ista divinam ipsam essentiam aliquo modo adumbrat. Nam *illa interminabilis vitae tota simul, & perfecta possessio*, quae aeternitatem naturae divinae exprimit, si non interminabilis, si non perfecta, saltem aliquo modo *totam simul* in memoria conspiciendam se praebet.

Hic obiter notandum quam summa injuria Baelius istam Boetii aeternitatis divinae definitionem improbet, & contemnat; nam quod sit interminabilis, quod sit perfecta, nulli dubium (ut divina) esse potest. Tota Baeliana difficultas ergo super illam *totam simul possessionem* cadere debet. Sed hanc in nostra memoria experimur, quamquam ut nostrae creatae menti aptari possit, noscere non valeamus. Quomodo ergo illam non credemus in Deo, cujus naturae tam aptatam videmus?

Sed hic Baelianus error in alio tum sui, tum aliquorum qui se ut Philosophos venditant, radicem habet. Nam isti aeternitatem (attributum soli Deo competens) ut durationem infinitam sibi fingere volunt, quando duratio potest competere solis creaturis (a); nam per illam creaturae habentes proprium esse semper successivum, ipsarum praefens nunquam integrum, & totum, sed semper, & perpetuo deficiens, & ruens uti mutilatum a praeterito, & futuro invenietur. E converso esse Dei, cum sit simplicissimum totum integrum est in actu, cum nihil possit deficere ei de eo quod est, vel acquirere de eo quod non sit; totum simul ideo suum praefens debet habere, cui nec praeteritum, nec futurum affici potest. Et tale praefens est aeternitas, de qua Boetius loquitur.

B

De

(a) Vide S. Augustinum Confess. lib. 11. cap. 24. & S. Thomam pluribus in locis.

De nostra voluntate aliquam similitudinem immensitatis Dei exprimente audiamus Cartesium . Nec verò etiam queri possum , quod non satis amplam , & perfectam voluntatem ; sive arbitrii libertatem à Deo acceperim ; nam sanè nullis illam limitibus circumscribi experior . Et quod valdè notandum mihi videtur , nulla alia in me sunt tam perfecta , aut tanta , quin intelligam perfectiora , sive majora adhuc esse posse , nam si , exempli causa , facultatem intelligendi considero , statim agnosco perexiguam illam , & valde finitam in me esse , simulque alterius cujusdam multò majoris , imò maximæ , atque infinitæ ideam formo , illamque ex hoc ipso , quod ejus ideam formare possum ad Dei naturam pertinere percipio . Eadem ratione si facultatem recordandi , vel imaginandi , vel quaslibet alias examinem , nullam planè invenio , quam non in me tenuem , & circumscriptam , in Deo immensam esse intelligam , sola est voluntas , sive arbitrii libertas , quam tantam in me experior , ut nullius majoris ideam apprehendam ; adeo ut illa præcipua sit , ratione cujus imaginem quandam , & similitudinem Dei me refert intelligo , nam quamvis major absque comparatione in Deo , quam in me sit , tum ratione cognitionis , & potentiae , quæ illi adjunctæ sunt , redduntque illam magis firmam , & efficacem , tum ratione objecti , quoniam ad plura se extendit , non tamen in se formaliter , & præcisè spectata major videtur , quia tantum in eo consistit , quod idem , vel facere , vel non facere (hoc est affirmare , vel negare , prosequi , vel fugere) possimus , vel potius in eo tantum , quod ad id quod nobis ab intellectu proponitur affirmandum , vel negandum , sive prosequendum , vel fugiendum , ita feramur , ut à nulla vi externa nos ad id , determinari sentiamus &c.

Et bene dicit , ut nullius majoris ideam apprehendam . Nam hoc ipsum velle , seu cupere intelligentiam majorem illa , quam habemus , nos admonet de defectu istius potent-

(XI.)

tentiae, nempè intelligentiae. Sed nemo volet, cupiet voluntatem illa, quam habet, majorem; Nam hoc ipsum velle majorem voluntatem, jam esset voluntatem habere majorem illa, quam habere credebat (a).

B 2

De

(a) S. Augustinus ultra progrediendo, ulterius effert similitudinem, quam ego exposui, in lib. 9. de Trinitate. cujus argumentum in Editione Benedicthina: *Trinitatem in homine, qui imago Dei est, quandam inesse, mentem, scilicet, & notitiam, qua se novit, & amorem, quo se notitiamque suam diligit: atque haec tria aequalia inter se, & unius ostenduntur esse essentiae. Quem librum totum oportet legere. Sed me cohibere non potui, quin haec verba ex cap. 4. excerpta hic proferrem. Sicut autem duo quaedam sunt, mens & amor ejus, cum se amat: ita quaedam duo sunt, mens, & notitia ejus, cum se novit: Igitur ipsa mens & amor & notitia ejus, tria quaedam sunt, & haec tria unum sunt; & cum perfecta sunt, aequalia sunt. Si enim minus se amat quam est, ut verbi gratia, tantum se amet hominis mens, quantum amandum est corpus hominis, cum plus sit ipsa quam corpus, peccat, & non est perfectus amor ejus. Idem si amplius se amat quam est, velut si tantum se amet, quantum amandus est Deus, cum incomparabiliter minus sit ipsa, quam Deus; etiam sic nimium peccat, & non perfectum habet amorem sui. Majore autem perversitate, & iniquitate peccat, cum corpus tantum amat quantum amandus est Deus. Idem notitia si minor est, quam est illud quod noscitur, & plene nosci potest, perfecta non est. Si autem*

major est, jam superior est notitia corporis, quam ipsum corpus quod ea notitia notum est. Illa enim vita quaedam est in ratione cognoscentis: corpus autem non est vita: Et vita quaelibet quolibet corpore major est, non mole, sed vi. Mens vero cum seipsam cognoscit, non se superat notitia sua; quia ipsa cognoscit, ipsa cognoscitur. Cum ergo se totam cognoscit, neque se cum quidquam aliud, par illi est cognitio sua; quia neque ex alia natura est ejus cognitio, cum seipsam cognoscit. Et cum se totam nihilque amplius percipit, nec minor nec major est. Recte igitur diximus, haec tria cum perfecta sunt, esse consequenter aequalia.

Quam similitudinem ex Divo Augustino non eo attuli, quo profundum Trinitatis Mysterium explicem, quia hujusmodi similitudo ab Athanasio reicitur; sed tantum quod Mysterium hocce nostrae naturalis rationi minime repugnare ostendam; ac repugnantiam, quam nos in eo percipiendo experimur, evenire, quia volentes rerum spiritualium naturam intelligere; a phantasia, sive materiae perceptione nos abstrahere nescimus. Mens est una, indivisibilis, & partibus vacans; Ideoque omnibus in suis actionibus, tota semper erit in unaquaque earum. Alienum ab ea corporeum illud Axioma. Omne totum est majus sua parte; quia partium expers est ipsa, ac ne quidem est totum (cum ta-

lis

(XII.)

De attributis constitutivis Voluntatis.

DUO sunt attributa constitutiva voluntatis, ille spontaneus actus, quem nos barbare *spontaneitatem* appell-

lis ad partes refertur haec notio) sed est una simplex nihil compositionis habens. Unde nec dici potest, aut solam vitalitatem, aut solum intellectum, aut solam voluntatem, anima minorem esse, quia tota anima eodem tempore suam sentit vitalitatem, intelligit, atque vult. Et haec tria si in nobis sunt potentiae, hoc evenire ex rei creatae natura, quae quia finita, & limitata, continua est in actuum successione; nempe sicut in motu nunquam praesens designari potest; quia statim ac mens ad illud considerandum constitit non amplius motum invenit. Ita continuus fluxus actuum harum trium nostrarum facultatum per tempus, h. e. a praeterito in praesens, & ab hoc in futurum non finit earum actualitatem permanentem unquam esse, sed semper participantem de praeterito, & futuro. Ac ideo ut potentias ad esse eas consideremus oportet. At in Deo, qui actus est purissimus immanens aemet, quae in nobis potentiae, Personae esse debeant.

Et si hoc Mysterium aliis nostrae Fidei incomprehensibilius, non repugnat nostrae naturali rationi, nolenti modo phantasia niti, sed lumen intellectus; imo suae propriae naturae sensum interiorem sequi. Quanto alia minus repugnabunt. In quibus credendis, quam generalem repugnantiam habemus, est nos vel perquirere *quomodo* fiant? Sed

quot propositiones mathematicas in dubium non revocamus, & *quomodo* fieri possint nesciamus? Certum est nos nescire, quomodo angulus, quem tangens cum circulo facit, infinitas curvas, non autem rectam capere possit & nihilominus, qui de hujus propositionis veritate haeciraret, insipiens haberetur.

Idem esset de eo, qui dubitare vellet, quod Asyndotes hyperbolicis in infinitum seipsas accedentes nunquam se tangent. Sed quid ego dico de propositionibus mathematicis, cum de ipsis rebus magis obvis, & quae quotidie nostris sub sensibus cadunt, nesciamus *quomodo* fiant. Qui scire potest, *quomodo* alterius corporis motus, alteri communicetur? Immo ego ultra progredior dicendo, nullius naturalis effectus nos *quomodo* scire. Corticem peruvianam febrem depellere continuo experimur, at *quomodo* hoc faciat est incertum adhuc; Et ita in omnibus *rebus naturalibus*, in quibus si nos pro terendo tempore in investigando illud elementarium *quomodo* fiant, operam animadvertendo quot fiant daremus, in detegendis illis mirum in modum proficeremus.

Opponi poterit, Mysteriorum nostrae Fidei veritatem haud nos ita certo scire, ut propositionum mathematicarum, effectuumque naturalium. Sed respondebimus, nostrorum Mysteriorum, nos rationem natura-

(XIII.)

pellabimus ; & indifferentia , seu facultas ad opposita : Spontaneitas est illa vis , illa inclinatio a nobismet ipsis , ut *ad id , quod nobis ab intellectu proponitur* (adderem a sensu interno , sive externo) *ad affirmandum , vel no-*

gan-

turalem moralem in Traditione firmata , & antiqua fundatam habere (ut in Adami peccato dixi) cui fidem saltem illam , quam Cæsar , Ciceronis , Augusti &c. gentis , præstare debeamus . At si hujus traditionis nihil aliud , quam quod a majoribus nostris ad nos ulque pervenerit , sciremus ; tamen cum esset ita idonea , atque aptata , ad convellenda vitia , ita rationi , imo sensui communi uniformis , in dubium illam minimè vocare debemus , solo illo prætenso *quomodo* ea mysteria fieri possint . Gentilium traditio jure merito a Christianis explosa ; tum quia Deorum multitudo rationi repugnat ; tum quia unusquisque eorum Deus inter tantos nesciebatur ; nam qualis Juppiter inter tot Joves , qualis Hercules , qualis Bacchus , qualis Venus , inter tot Hercules , Bacchus , Veneres variorum temporum nationumque designari poterat ? tum quia istorum Deorum eodem quo tempore immortales credebantur , sepulcra ostendebantur ; tum denique ob impudicitias , obsecanitates , crudelitatesque historis traditas , quæ in eorum mysteriis committebantur : abusus qui irreperant prætereo , sed tantum dico quos Principes magistratusque auctoritate firmaverant . Sed in nostris omne sanctum , omne consonum , aptatumque fræmandis vitis , atque libidinibus compefcendis .

Sed quid maximè hic notandum est , Diabolum , cum velit nos a credendis nostræ Fidei dogmatibus retrahere sub prætextu , quo nostram

naturalem rationem superet , adigere ad amplectenda sua mysteria , quæ quidem nedum naturali rationi , verum etiam ipsi communi sensui opponuntur . Ecce autem Lucretius , patheticè descripta Religionis tyrannide , ut Mundum opprimere volentis , deprimeudo hominum intellectum , quam libertatem huic servituti sublituit ? Dare materiae activitatem ex semetipsa movendi . Velocissimum continuo motum atomis suis deorsum tendentibus inesse : & quia isto deorsum conatu nunquam aliae aliis obviam essent , ac idcirco nullam rem corpoream formare potuissent , haud ad perpendicularum eos , sed obliquè ferri contendit . At quis non videt corpus nunquam a seipso moveri , sed aut a mente aliqua , vel alio a corpore impellatur oportet . Illum omnium atomorum in corpore rapidissimum motum quis videt unquam , præsertim si corpus sit solidum ? Ac nemo ignorat cuique istarum atomorum unioni ad rem corpoream formandam illum contrarium esse . Porro in Mundo quem ille infinitum putat , quomodo dari queat illud sursum , illudve deorsum , quo vult suas atomos ferri ? Hoc deorsum , quod super terram nos videmus , centrum suum non excedit , quo omnia sua corpora ab æthere circumfuso impulsa tendunt . Istum corporum conatum , quem scholæ *tendentiam* appellant , ad perpendicularum non oblique fieri videmus ; præterea ob eam ipsam rationem , qua in mundo infinito ab Epicuro efflato non posset esse *sursum*

gandum, sive prosequendum, vel fugiendum, ita ferantur, ut a nulla vi externa nos ad id determinari sentiamus. Sed per hoc attributum, nihil libertatis, nullum actum involuntate videre licet. Sed illud quod constituit libertatem voluntatis est indifferentia, per quam ad unum magis, quam ad alium actum affirmandi, vel negandi, seu prosequendi, vel fugiendi, se determinat. Per hanc indifferentiam voluntas exercet electionem, quae verè activam illam constituit, cum è contra *spontaneitas* non sit, nisi cæcus impetus sine termino ad quem se dirigere debeat.

De libertate Dei, & mentium Creatarum.

Indifferentia, seu electio, seu libertas apud Theologos dividitur in libertatem exercitii, sive contradictionis, & libertatem contrarietatis. Haec similiter in libertatem servato, & non praetermisso ordine finis, & non servato, vel praetermisso ordine finis. Harum quatuor postrema species, cum perinde sit ac indifferentia ad bonum, & malum, quamquam in infimo gradu, qua nimirum voluntas imperfectè suam exercet libertatem, atamen, quia mentibus creatis est potissima, sibi per antonomasiam indifferentiae nomen adscivit; unde ejus usu propterea scholae ad exprimendam Dei libertatem abstin-

nent.

sum aut deorsum, sic quidem obliquam, aut perpendicularum, quae tammodo ad nostrae terrae superficiem referuntur.

Motus igitur ab ipsa materia exortus: motus cujusque atomi velocissimus: deorsum in infinito: omnia corpora ad hoc deorsum tendentia: hujus motus obliquitas: haec omnia mysteria a Lucretio Religionis, sive Providentiae subrogata, necnon intelligentiam nostram excedunt, sed ei planè opponuntur. En

igitur suus heros Epicurus, generis *humani* ab oppressione Providentiae liberator post tot magnifica promissa, durae servitutis, atque suarum futillum hypotesum, imo chimericarum visionum oppressioni illud subicere studet.

Idem quod ab Lucretio factitatum videri potest in omnibus objectionibus, quae nostrae fidei mysteriis fiunt, quia sublato uno, praetextu, quod nostram supra rationem sit, ei aliud ad libitum inventum opus

(XV.)

nent : Ideoque videndum cur haec indifferentiae species Deo aptari non possit ; nulla ex re tamen ejus perfectissima libertate imminuta .

Deus igitur , ut perfectissimus , perfectissima adhuc supra illam omnium mentium creaturarum debet esse sua libertas .

Nam quod attinet ad affirmandum , cum id nitatur vero ut a nobis creditur , quamvis multoties non tale , sed falsum sit , quod reddit nostram indifferentiam non firmam , & ideo imperfectam ; nam cum falsum invenitur illud , cui primo , uti vero a nobis habito assentiamus , in contrariam partem assensum nostrum vergere cogamur . Sed in Deo cum sit ipse auctor veri , & ideo de ipso non judicet , cum ipse illud sustineat , imò tale reddat , quanto perfectissima debet esse ejus libertas , quae cum cogi non possit a meliori examine ad se invertendam , a pura sua voluntate dependet .

Circa amorem , seu desiderium , quod est alterum voluntatis attributum , hunc sic perfectissimum in Deo considerare debemus , ut diversae a nostro naturae illum cognoscere fateamur . Nam cum Deus sit Creator , & Con-

fer-

opus est subicere , quod verè ipsi rationi contrarium , imò oppositum esset .

Quod ego peculiari modo in aliis oppositionibus , quae ab Heterodoxis nostris mysteriis sunt , aliis meis cogitatis ostensurus sperarem , si gravis aetas , qua premor , resque familiares , quae me totum in nihil agendo occupatum tenent illa promovere sinant .

Interim accuratè caput indubitabilis traditionis de Adam peccato Lectori perpendendum erit , quo in capite originis nostrae corruptitiae demonstratio fundata est ; loquendo *utitur* ipsam traditionem , quae *habet* interrupè in Ecclesia secun-

dum promissionem a Christo ei factam , uti perpetuò duraturae conservanda fuit . Tum etiam peccati gravitatem ; praefens denique caput naturae nostrae animae , in cujus perquisitione Trinitatis mysterium possibile videtur ; eo quia haec tria capita altè penetrans , Marte tuo in ipsis firmissima argumenta invenire poteris , quibus alia nostra mystica naturali rationi , quam sint uniformia ostendet ; ac è contrario eidem rationi opponi inventa omnia figuratè , *allegoricè loquendi , examinis viae* *via rejectæ auctoritatis , articulorum fundamentum & non fundamentum* , ceterorumque quae nostris mysteriis increduli substituere coguntur .

fervator rerum illas vult ad eas sustinendas ; nos , ut ab illis , sustineamur , & fulgiamur : in ipso non est desiderium , sed vera volitio , verus amor , cum quo omnes res ad se inclinatur , ut illas sustentet ; in nobis nihil aliud est , quam desiderium , appetitus , inclinatio versus res ad inveniendum in illis fulcrum , quod nos sustineat .

Quod ut melius explicemus , considerandum nobis est , quod omne Ens cogitans cum debeat necessario per suam essentiam habere intellectum , & voluntatem , est de necessitate suae essentiae , quod prima operatio sui intellectus sit semetipsum , vel saltem propriam existentiam cognoscere , ut prima , & necessaria operatio suae voluntatis sit amor erga semetipsum .

Deus ergo cum sit Ens cogitans , imo mens suprema perfectissima , debet etiam perfectissime seipsum cognoscere , uti etiam seipsum amare . Cum ipse sit perfectissimus , immensus , infinitus , a se & ab alia nulla re dependens , suus amor erga seipsum debet ab ipso praeferrari amor omnium creaturarum . Et ita Deus non potest constituere ultimum finem sui amoris qualemcumque rem creatam , sed semetipsum solum .

E' converso omnis mens creata , quamvis noscere , & amare semetipsam , haud tamen semetipsam ultimum finem sui amoris facere debet , quia voluntati in suis inclinationibus sequendum intellectum est suggerentem sibi summum Ens , a quo ipsa mens creata fuit , & in omni momento conservatur . Itaque intellectus sic voluntati obiectum praebet , ut desideriorum eius sui amoris etiam considerati uti proprii , h. e. erga seipsam mentem , illud ultimus esse debeat finis : Nam veri proprii , verique sui utilis causa ferri debeat ad faciendum suum ultimum finem , ad amandum super omnia , etiam supra semetipsam , illud Ens , quod non solum ipsam creavit , & continuo conservat ; sed quod solum in omni momento sit capax sustinendi eam ,

(XVII.)

eam , & explendi sua desideria , quae nullum Ens creatum , neque proprium suum nunquam implere , & sustinere potest . Hoc ergo erit verus sui proprius amor , estque omni menti creatae habendus , ut voluntas luminis intellectus innixa operetur .

Sed si voluntas non sequendo lumen intellectus temerè ruat ad faciendum semetipsum ultimum finem sui amoris , neque hoc consequetur . Nam voluntas non poterit se compescere , non poterit acquiescere in isto solo objecto . Etenim mentes creatae debent se cognoscere ut finitas , & ideo terminatas , & deficientes ; ista cognitio est ita ab ipsis inseparabilis , ut etiam invitae debeant illam semper habere , cum sit propriae essentiae , & naturae . In ipsarum termino igitur istae mentes , respicientes propriam deficientiam , hoc est proprium nihil , iste abusus nihili , illas horrore perfundit , uti illarum esse destruens . Itaque ne ad illud barathrum ruat , alio Enti innitendum est illi , a quo illud vacuum nihili ab ipsa infemet fugitum , repleatur , repareturque . Et ita hoc aliud esse , & non amplius ipsa , erit terminus suae voluntatis . Sed istud esse cum non sit illud summum , infinitum Ens , a quo ipsa mens semet averterat , erit aliud Ens creatum ; sed postea agnoscens in illo eundem terminum , & ideo idem illud tam exosum nihil ab illa in semetipsa effugitum , est illi opus , ut ad aliud Ens creatum , cui innitatur , transeat ; in quo cum ei accidat idem , quod in primo , transit ad aliud . Et ita objecta voluntatis semper commutabuntur , ea minimè inveniende illum ultimum finem , qui debeat illi suum fulcrum , suamque quietem praebere . Ideo mundanae res nunquam explent nostras cupiditates . Ideo Alexander post acquisitum penè totum orbem terrarum ; querebatur tantos mundos superare , in quos suum imperium extendere non posset .

Iste cæcus amor mentis erga seipsam , iste impetus voluntatis

(XVIII.

tatis faciendi seipsam ultimum finem sui ipsius, est fons, origo mali, imò omne malum, quod fit in mundo. Nam cum Deus sit supremum, infinitum bonum, ipse solus potest explere desiderium voluntatis creatae, quae in illo solo potest invenire suum firmum, & perpetuum fulcrum. Nam causa appetentiae boni in omni voluntate est, quod mens creata sentiens in semetipsa suam deficientiam, suum terminum, nititur, ut supra dictum est, super aliud Ens, quod illa credit posse istam suam deficientiam supplere, & ideo esse ipsi bonum. Sed quando voluntas Ente creato nititur, ut suo ultimo fine, & sic ut suo summo bono, cum illud aptum ad se sustinendam non inveniatur, jam non erit suum bonum. Hoc ens ergo, quamquam bonum in semetipso, respectu voluntatis erit malum, quia ab ipsa usus istius Entis perversus fuit. Et ita ista voluntas erit auctor mali, quod ut a se sola proficiens, contra ipsam solam habet suum effectum, & respectu ipsius erit malum, ut infra melius explicabitur.

Ex dictis videre licet. Primum Deum non esse auctorem mali, sed illam voluntatem creatam, quae usum boni pervertit tota penitus adhaerens illi bono (h. e. finito) quod illam sustinere non potest. Et hic est notandum quam gravis, quam ingrata erga Deum sit ista perversio voluntatis creatae, quae cum a Deo creata sit tantae extensionis, tantae amplitudinis, ut quasi immensitatem Dei aliquo modo adumbret (ut supra vidimus), & haec gratia illi concessa, ut sua vi, sua amplitudine superans omnes res creatas, ad suum factorem, qui solus tantam ejus vim cupiendi potest explere, & sic in illo quiescere, ad se sustentandam se volvat; tantam suam vim, tantum conatum in nihilum creaturarum velit disperdere, unde sine vi, sine vigore, & in nihilum praecipitatum se inveniet.

II. Deum nihilominus esse infinitè liberum, quamquam auctor

(XIX.)

auctor mali non sit , nec esse possit . Nam cum illa indifferentia mentium creaturarum ad bonum , & malum (quae maxima in illis habetur , non consistat , nisi in faciendo ultimum finem sui amoris , vel Deum , quod est bonum creaturae , vel semetipsas , quod est malum . In Deo ratione dignitatis objecti , h. e. ipsiusmet Dei) isti duo actus tam oppositi in creaturis , h. e. faciendi ultimum finem Deum , & se ipsas , dico in Deo sunt unus , & idem actus . Et ideo in hoc actu non potest dici Deum privatum indifferentia , sed indifferentiae in hoc actu non esse locum , cum non duo , sed unus sit , vel sit unus , qui duos creaturae actus comprehendit .

III. cum indifferentia , & idè libertas mentis creatae circa bonum , & malum sit inter duos actus , scilicet amoris Dei , & sui supèr omnia . Si ista mens a Deo cogeretur amare Deum , jam non esset indifferens , & ideo non libera , quod contra naturam suae voluntatis foret , itaut ipsa potentia in illa destrueretur , & ita nullus amor in illa , neque sui ipsius relinqueretur .

Et si in mentibus beatis voluntas non potest a summo bono se jungi , hoc evenit , quia quando in illa erat libertas indifferentiae , hoc est inhaerendi Deo , vel sibi metipsi , ut ultimo fini , cum Deo inhaerere ipsa voluerit , quomodo posset ab ipso amplius separari ? Illa in actu indifferentiae cum esset in perfecto aequilibrio , voluit lancem sui actus versus Deum pendere , ideo quomodo amplius poterit in aliam partem illam deflectere ? In isto actu illa cum se a lumine intellectus duci siverit , in Deo invenerit illud forte , illud infinitum objectum suorum desideriorum , quod semper , & continuè illam sustentabit in sua deficientia , quam uti terminata , debet semper in semetipsa sentire . Ipsa voluntas indefinenter fovebit suum proprium amorem in ista electione , sibi complacens in illa , non obstinatione , sed constantia quia perpetuè videt utile & bonum sibi ab illa perveniens . Et

quis poterit unquam rumpere istam catenam utilis , & boni , quae mens continuò experitur ab ista sua tam recta tam rationi consentanea inhaesione ?

E' converso si voluntas in statu suae indifferentiae lancem suae inclinationis , erga semetipsam pendere fecisset , faciundo semetipsam suum ultimum finem , unde sumet illa auxilium ad resurgendum , ut summo bono inhaerescat ?

Tota sua vis ab ipsa in ista dejectione est collocata , jam subsedit , unde ergo eliciet illa istud auxilium ? Imo magis , magisque enuet a semetipsa novos impulsus ad istam suam ruinam . Nam idem impetus proprii amoris caeci , qui illam in primo actu impulit ad se sibi nitendum , in secundo actu , sive momento non solum perget , sed adjuncta sibi obstinatione non recedendi a primo suo actu , quamquam tam malè collocato . Et si in primo actu noluit duci a lumine intellectus sibi distante summo bono niti , quomodo posset in secundo actu , si istud lumen jam a primo actu obscuratum , infrastrum fuit ?

Sed istud idem lumen a mala mente tam neglectum , non cessabit (etiam illa invita) continuò illi suggerere immentitatem Dei cum sua infinita perfectione , quae propriam ipsius imperfectionem , suum pene nihil sustinere potuisset ; cui lumini cum illa obstinatio sequendi suum primum actum , non permittit amplius voluntati adhaerere , non idèd illud cessabit voluntatem in sua obstinatione inquietam reddere , sed continuò anxiam , continuò irrequietam , continuò distractam inter ipsum lumen intellectus , & suam obstinationem esse coget . Quod quantum sit contrarium naturae voluntatis , quae in una tantum re , & indivisibili consistit , ut dicit Renatus , nemo non videt , nam in eodem tempore ; in ipso actu , in quo sua obstinatio illam detinet , in praefendendo , vel aequalem faciendo seipsum Deo , lumen sui intellectus istam praeferentiam , vel aequalitatem illi , ut impossibilem

(XXI.)

bilem suggeret , & ita illa distracta inter desiderium suae obstinationis , & iudicium sui intellectus negantis possibilitatem istius sui desiderii , cogitur uno eodemque actu negare , quod appetit . Inter quos duos tam oppositos actus ipsa voluntas magis magisque se , & suam libertatem imminuet , imo in nihilum reducet .

Ita Lucifer in suo illo *Ponam sedem meam in Aquilone* , & *ero similis Altissimo* , dico in illo suo primo actu , cum amorem erga seipsum a proprio sensu interno , qui nihil , nisi semetipsum illi suggerere poterat , & non ab intellectu , qui excellentiam Dei illi demonstrabat , se duci maluisset , ab isto primo actu orta est illi in secundo actu obstinatio sustinendi , quod in primo actu elegerat , quae quamquam lumen intellectus vicisset , non idè istud desinit mentem Luciferi continuè vellicare ostendendo illi excellentiam Dei supra ipsam , & idè illam similitudinem esse impossibilem ; & quia Lucifer illum sequi noluit , istud lumen non amplius illi ad consolationem , & gaudium (ut mentibus beatis) inserviet , sed ad illius desperationem , & odium contra Deum augendum , & idè sua voluntas semper torta , semper distracta , unde sua libertas coacta , in servitutem redacta a propria obstinatione invenietur .

Sed istud exemplum Luciferi nos ducit ad aliam demonstrationem necessitatis indifferentiae in mentibus creatis . Nam cum usque adhuc ista necessitas visa fuerit in natura voluntatis , seu libertatis ipsius mentis , sine qua jam mens esse desineret . In praelens videre licet confirmationem istius necessariae indifferentiae in magis antiqua , magis indubitabili , magis autentica omnium Historiarum , quae in toto orbe conscriptae fuerint , dico in nostra sacra Scriptura , quae nos docet Dum nullam mentem sine hac indifferentia creavisse . Nam puri spiritus , ut Angeli , & Dæmones , habuerunt primum statum istius indifferentiae , per quam illi summo bono , isti sibi metipsis tan-

tantum adhaeserunt . Ita etiam animae duorum nostrorum Protoparentum , in primo actu illarum creationis ante primum illarum peccatum . Et si post peccatum haec indifferentia qua parte vergit ad bonum h. e. ad Deo inhaerendum in ipsis , ut in Lucifero , & malis Angelis , extincta non fuit , tam debilis , tam vulnerata in ipsis remansit , ut sine auxilio gratiae reparatricis ad Deum assurgere nunquam posset , ut clarius infra videbitur . Quod factum tam constans , tam generale circa indifferentiam in omnibus mentibus creatis , etiam demonstrabit a posteriori , talem indifferentiam h. e. ad bonum , & malum esse de natura , & essentia mentis creatae , itaut illi adimi , nisi a semetipsa , non possit . Nam cum Deus sit auctor naturae , quando videmus aliquod attributum semper , & invariabiliter affixum alicui rei , credere debemus illud esse inseparabile ab ipsiusmet rei natura , & essentia .

Et si in anima Christi ista indifferentia ad malum locum non habuit , fuit in causa illa arctissima unio Hypostatica ad quam a Divino Verbo cum semetipso fuit assumpta , per quam primus actus amoris erga semetipsam , ab illo erga Deum non potuit sejungi .

De praesenti statu mentium humana- rum , seu animarum .

Considerando mentes in semetipsis , jam vidimus supremam mentem perfectissimè liberam manere , quamvis indifferentia ad malum in illa locum habere non possit , cum idem actus amandi semetipsam super omnia , in quo omne malum consistit in illa suprema mente sit perfectissimum bonum .

Vidimus etiam mentem creatam non potuisse creari sine indifferentia ad amandum semetipsam super Deum in
suo

(XXIII.)

fuo primo actu a seipſa elicitō , nam per hoc deſtructa fuiſſet .

Ut etiam iſtae mentes cum in primo actu ad amandum ſuum Creatorem acceſſiſſent , quamquam in Actibus ſequentibus ab iſto amore non potuiſſent recedere , non ideo minus liberæ , imo magis , quam in primo Actu illarum tam utilis Electionis remanent .

Supereſt ut Mentēs Corporibus addiſtas hoc eſt animas , ut in præſenti noſtro ſtatu eas eſſe experimur , examinemus .

Omnibus notum Indifferentiam noſtræ voluntatis , qua parte ad bonum inclinare ſe deberet , in nobis ſummè debilitatam , & infirmam , & è contra qua parte ad malum tendit ut alterius viſtricem experiri . Omnes Infideles , omnes Ethnici in hoc cum nobis conſentiunt , per omnium ora volitat , illud querulum Axioma *Video meliora proboque , deteriora ſequor* . Huic noſtræ infelicitati , etiam adiungitur illa infirmitas noſtri corporis , per quas anima noſtra infinitis ſenſibilibus afflictionibus quotidie ſubici ſe experitur .

Inter multa deliramenta ad excogitandam cauſam huiusce duplicis infelicitatis animæ noſtræ , duo videntur in ſapientibus Mundi magis vigiſſe .

Unum , eſt illa hypotheſis Metemphicoſis ad lubitum ſomniata , cui caeca fide credendum foret , dico caeca , quia iſta fides ſuper nullam antiquam non interruptam , & conſtantem traditionem fundaretur . Cui addas iſtam hypotheſim multis inſolubilibus difficultatibus obnoxiam eſſe . Nam ſi Deus noſtras animas in poenam Peccatorum carceri noſtrorum corporum addixiſſet , quæ ipſae in alio Ideali Mundo (ut iſta vult hypotheſis) commiſiſſent . Per hanc poenam illis inſiſtam Deus illas poſuiſſet in ſtatu , in quo magis , quam in primo ad committenda peccata obnoxiae forent . Quod eſſet facere Deum auctorem mali . Et ſi illae animæ in illo primo ipſa

(XXIV.)

ipfarum mundo in malum ceciderunt , quamquam tunc non adhuc gravatae non debiles effectae a praesenti nostro corpore , quomodo illis possibile foret ab illo malo resurgere postquam illi primae earum malitiae iste novus obex adiceretur ?

Secundum deliramentum primo longè absurdius , est illa impia nequissima , subdola hypothesis Manichaeorum , per quam Antideum nescio quem malum , Deo vero opponunt , ita ut hunc ut boni , illum ut mali auctorem effingere velint . In qua hypothesis praeter absurditatem fictionis in prima notatam videre licet illam ineptam ad causam nostrae infelicitatis explicandam . Nam si Deus bonus non potuit compescere mala ab illo malo Deo in nobis producta , debebat potius se abstinere a nos creando ne permitteret facturam suam ab alio difformari . Et si mentium creaturarum aliae beatae , & ideo totae bonae , in totum felices , aliae damnatae , & ideo totae malae , totae infelices effectae , in illorum hypothesis , nunc malum vicisse bonum consequi oporteret . Haec vicissitudo dominii , quam sit absurda , quam opposita naturae & Essentiae Divinae , quisquis videre potest . Sed ineptiae istius hypothesis , cum à doctissimis viris maxime a Sancto Augustino jam explosae fuerint , non est nostrum in illis immorari . Eo magis , quod illius defensores eam defendere parvi pendunt , sed illorum conatus est ad labefactandam veram causam nostrarum infelicitatum , quae a prava nostra voluntate tantum ortum habuere , nam humana superbia dum a se amoliri causam mali nititur , eam in illum a se effectum Deum reicere conatur .

Expulsis ergo tam male assutis fictionibus circa causam mali , & ideo nostrarum infelicitatum , oportet veram ostendere .

Ad hoc faciendum uti ad omne verum in materia facti eruendum oportet , rejectis omnibus Hypothesibus , omnibus humanis figmentis , factum ipsum examinare ; &
quia

quia omne factum a catena aliorum factorum dependet; opus est istam catenam proseguere, ut ad principium, & ideo ad causam istius facti perveniamus. Catenam factorum eandem esse ac illorum Historiam, liquet. Factum ergo est, nos homines illis duplicibus infelicitatibus obnoxios nasci; ab Historia ergo nostrae generationis, causam hujus facti eruere nos oportet.

Hanc Historiam nulla natio, nulla secta, nulla religio; tam antiquam, tam authenticam, tam non interruptam, uti nostra, possidet; ad eam igitur nobis opus est ut recurramus, ut in illa principium nostrae generationis, & ab illo causam nostrorum malorum discere possimus. Et quis tam vecors, tam mente captus, istius Historiae fidem in dubium revocare posset? Imperia Assiurum, Medorum, Persarum, cum suis legibus, annalibus, religione, perierunt. Sola nostra Historia ab origine Mundi usque ad nos, intacta, inalterata, non interrupta in nostris sacris Libris a Populo Judaico servatis, pervenit; quorum conservatio ostendit ipsos, ut a Deo nobis dictatos, ita ab ipso per suam Omnipotentiam supra omnem comunem rerum vicissitudinem nobis servatos fuisse. Nam quomodo potuisset populus toties in durissimam servitutem redactus, cui sacra toties interdicta, semper omnibus nationibus despectui, numquam aliis imperans, cujus civitas, & templum in quo omnia sua Archivia, omnes Genealogiae, omnia acta authentica, omnia sacra servabantur, toties diruta à funementis, & flammis mandata fuerit. Dico quomodo potuisset iste populus sine speciali Dei auxilio suos sacros libros, suos annales supra omnes triumphantes nationes, quae omnes suas traditiones ut dixi, amiserunt, solus servare? Et postea ab eo ipso, quamquam invito, nobis perventi, ne cui in mentem cadere possit illos a nobis fictos, cum illorum depositarius fuerit idem ille populus tam nobis inimicus, & insensus.

Isti Historiæ ergo , antiquæ ut Mundus , nobis perventæ per constantem , & numquam interruptam traditionem per totum cursum annorum sex mille , firmissimè videtur innixa fides , quæ ei præstari debet ; eo magis , quod nullum absurdum continet , & mirabili patetique modo omnem nodum hujus facti solvat , & extricet .

Ab ista ergo. docemur , Deum post creatum universum Mundum , creasse Adamum ad imaginem , & similitudinem suam , uti & Evam illius uxorem . Subiecisse illi omnem terram cum suis viventibus . Posuisse eos in amaenissimo Pomario , ut ejus fructibus vescerentur . Vettasse illis unam solam arborem , ne de ejus fructibus comederent . Et quia erant ad imaginem , & similitudinem suam , & universæ Terræ mandare debebant , eos reos , & sine ullo malo , neque defectu animæ vel corporis creavit , & ideo nudi vivebant sine ulla erubescencia , nam in illis non erat malum , neque corporis defectus , de quo erubescere potuissent . Diabolus seduxit Evam ut comederet de illo ~~verito fructu~~ , ei suggerendo ab illo scientiam boni , & mali eam habere potuisse , & ideo Deo æqualem evadere : *Eris sicut Dii scientes bonum , & malum* . Illa post comesum fructum , induxit Adam ut idem faceret ; statim post illam infractionem divini præcepti , erupit in illis erubescencia suæ nuditatis , & ideo ambo sibi fecerunt *perizomata* è foliis arborum ad tegendum sua pudenda . In ~~poenam~~ illorum delicti , hoc est mali , Deus ejecit eos ex illo amaeno Pomario , & prædixit illis omnes labores , & mortem , quæ ab ipso delicto eis superventura erant .

Ex hac historia fufius principio nostri sacri Codicis scripta , & luculentius in aliis ejusdem libri locis explicata , considerare oportet ; quod illud *eris sicut Dii* , cujus blanditiis affecti illi nostri Protoparentes , a creatione recentes , malum in Mundum intrufere ; nihil aliud fuit ,
quam

(XXVII.)

quam confusio ideae Creatoris cum illa creaturae , sicut ipsi erant . Nam menti Adami ex nihilo eruae , exercendo intellectum , ideae primum obviae fuerunt illae , sui ipsius nempe , & Dei . Illius , quia conscia erat ; hujus nedum propter conscientiam , quae continuò ei suam propriam deficientiam suadebat , ideoq; illam animadvertibat ut repraesentantem eum , qui ipsam creare , quotidieque conservare potuisset ; sed etiam in primo suae creationis momento , clarè , explicitè , ac directè intellectum cognovisse Deum , utpotè ab illo perfecta ratione praeditum immediatè creatum . Exercendo postea voluntatem , primus actus , nulli dubium , quin fuerit illa naturalis propensio erga semetipsum sive amor proprius cuique menti inritus . Ista ergo voluntas , sive iste amor proprius , eodem tempore quo se exeruit , has duas ideas , quibus inniti potuisset , ab intellectu habuit . Voluntas verò , cum in hoc fulcimine regi debuisset a vera unione quam inter se hae duae ideae habebant , ab illa scilicet necessariae dependentiae creaturae a supremo factore , in qua suum reperisset verum fulcrum (quia semetipsum amando , eo magis Creatorem suum , atque Conservatorem quis diligere debet) temerè utramque conjunxit , ac si essent ejusdem naturae , & identitatis . Et hoc pacto creatura sibi blandiens , Deum posse fieri se credidit .

En igitur primus error in Mundo , & una simul origo peccati ; itaut discerni nequeat , uter primum sibi vindicet locum , alterius cum alter causa fuit . Nam hinc dici potest , amorem proprium fuisse , qui hasce duas ideas illa falsa unione , quam tetigimus , confudit , atque errori causam dedit . Inde , ac error iste , causa consummati peccati in illis primis Progenitoribus nostris , pomum a Deo vetitum comedentibus , fuit . Quid praeterea mirum si perturbata , atque confusa unione illarum idearum , quae praecipuae in nostra mente erant , reliquarum uniones

(XXVIII.)

perturbatum ; atque confusum iri ? Et hanc praesertim idearum mutuam obscuritatem , eo magis auxere sensibiles perceptiones . Nam commisso peccato , ut ager materialis Adam *tribulos , & spinas* produxit semper frugiferis plantis nocitura , ita & in intellectuali nostrae mentis agro , spinae tribulique sensibilibus perceptionum coaluere , suffocantes continuò spirituales ideas , quae nedum menti utiles , sed familiares , veluti eae , quae sibi externa ex vi minimè obveniunt , nec res a sui natura dissimiles , perinde ac perceptiones sensibiles , representant .

Sed ut funditus excutiamus hoc quomodo eveniret , considerandum nobis est . Corpus purè passivum cum sit , illam impressionem tantum , quae ab externa actione illi provenit recipiendi capax esse . Corpus ideo nostrum menti unitum ab ea actionem illam , quam mediante unione exercet , recipit ; ac insuper , quia aliis corporibus circumdatum , recipit ab ipsis impressionem illam quam suo contactu in ipsum gignunt . Harum igitur causarum , actionis nempe mentis , & corporum impressionis , medium existens , in statu innocentiae , ~~quia rectum~~ a mente , hujus actio in ipsum , regebat quoque aliorum corporum impressiones , quae nihil aliud tunc conari poterant , quam expergestis menti sensibus , illam praesentia corpora monere .

In hoc igitur statu a Deo noster Protoparens creatus fuit ; talis nempe unio erat mentis cum corpore , & haec unio in qua mens imperium suum ~~sibi~~ competens conservabat , huic statui conveniebat , in quo ita Deus mentem , & corpus creaverat : illam scilicet absque culpa , & hoc in perfecta proportionem , & partium symmetria suarum . Sed post primum peccatum non ita se praestitit ; nam ipse actus non parendi Deo , mentem obnubilavit , infirmamque in se ipsam reddidit , uti vidimus ; inde corporis depravatio . Quales anxietates , quales horrores , quales convulsiones non excitet in nostro corpore

ille

(XXIX.)

ille angor , ille latratus (ut ita dicam) propriae conscientiae post peccatum commissum , ac praesertim prima vice cum illud nos perpetramus ? Et nihilo secius nostra corrupta natura inter culpas nata , credenda quoque conscientiae stimulis se callum obductum ire . Quam maximam tunc impressionem exindè , quantam perturbationem , & corruptionem symmetriae in Adami corpore agere debuit primus ille stimulus , cui tunc innocens ejus natura nullum habitum , nullumque ideo callum obducere potuerat ?

Perturbatio hoc ordine , quo corpus regebatur a mente , in illa nova dispositione , seu symmetriae corruptione , non amplius eo modo , quo primum , regebatur ab illa , cum ejus namque actio in corpus infirma evaserit . At quantum nostro corpori mentis actio defuit , tantum impressio corporum , quae illud circumdabant , crevit . Haec impressio , infirma nostrae mentis actione reperta , non solum ab ea dependentiam , atque regimen respuit , sed suum proprium corpus continuò affligebat , unde cum supradicta proprii sui corporis perturbatione , & symmetriae corruptione ; omnes dolores , omnes infirmitates , omnes denique , quas vocant , poenalitates , in Adamum irrupere . Et si in statu innocentiae haec impressio usui erat illi excitandis tantum sensibus , post peccatum verò , illam ad ipsorum occupationem , ac propterea ab ipsis distrahi , opprimique adegit .

De concupiscentia .

HAEC adaectio est illa exitialis concupiscentia , quae Adamum post ejus peccatum oppressit . Ab hac , ejus voluntas postquam sensibus inhaeserit , spretis intellectus luminibus , & cum haud par esset , imo utpote enervata , ad sese ab hac inhaesione separandum , experitur assiduam
illam

illam impulsione ex rebus , quas animae nostrae isti sensus ingerunt .

Duo sunt sensus nostri , uti operis hujus initio diximus . Alter internus , illa nempe conscientia sui ipsius , illa vitalitas , quam quaelibet mens in semetipsa experitur . Externus alter , quo mens , tam de sui corporis , quam externorum praesentia monetur . In primo Adae peccato , ejus voluntas uni illi sui sensus interni , idest sui proprii *ego* , perceptioni inhaesit , ideoque effato illo *eritis sicut Dii* , quam maximè illecta , floccipendit , uti diximus , intellectus lumen , quod id factu impossibile illi ostendebat .

Ex hac igitur prima inhaesione sensui interno , exoriri quoque debuit , quemadmodum visum est , in sua voluntate , illa sensibus externis , atque hinc desiderium rerum creatarum . Ab hisce duobus sensibus , Adami mens propulsa semper , ac , ut ita dicam , adaesta fuit in ipsis , continuò detineri : idcirco exoptando tantummodo ea , quae ab ipsis exhibita erant , non amplius in ea lumen intellectus vigeat , quod desiderium sui summi , infiniti Boni , voluntati praeposuerat : itaut absque supernaturali divinae Gratiae reparatricis auxilio tali ex oppressione nunquam erigi potuisset .

Fontes istius concupiscentiae à Spiritu Sancto per os S. Joannis Apostoli , tres designantur , scilicet concupiscentia carnis , concupiscentia oculorum , & superbia vitae , Superbia vitae est illa ipsa prima inhaesio sensui interno , hoc est illud *eritis sicut Dii* , quo nos ad superbiam aliis imperandi , continuò impellimur ; uti etiam ad ambitionem adipiscendi honores , munera , officia , aliaque hujusmodi . At quid amplius ? ea ipsa sapientia qua nobis esset utendum ad infinitam Dei bonitatem , & potentiam cognoscendam , ac ei veluti nostrorum desideriorum fini innitendum , in superbiam a nobis vertitur illam , ut ea solum oblectemur , eaque ut aliis ingenio praestantes videamur .

Sua-

(XXXI.)

*Suave (a) mari magno turbantibus aequora ventis
E terra magnum alterius spectare laborem;
Non quia vexari quemquam est jucunda voluptas,
Sed, quibus ipse malis careas, quia cernere suave est.*

Concupiscentia oculorum potest dici rivus antecedentis, impellens nos vanitate esse scientes bonum & malum, ut formemus scilicet illas fallas, atque perniciosas scientias veluti Magiam, Sortilegia, Astrologiam, quam Judiciariam appellant, Divinationem &c. & illas vanissimas Alchimiae, virgulae divinatoriae &c. quibus addi possent etiam illae investigationes, & inventa ordinis, quo Deus creavit, regitque Mundum; & eorum quae sunt in Luna, Jove, Saturno, aliisque Planetis; quid sint Cometae, quid Elementa, & alias hujusmodi inanes curiositates, de quibus jure Xenophon (b) Socratis nomine, dicit: *Isidem eorum* (latino enim saltem sermone brevitatis causa verba ejus exhibeo) *qui de rerum omnium natura sollicite inquirant, aliis videri, unum quiddam esse, quod existat; aliis esse ea numero infinita. His omnia semper moveri, illis nihil unquam moveri: his omnia tum oriri, tum interire; aliis nihil unquam, nec ortum, nec interire. Praeterea de his illud quoque considerabat, utrum pervinde ac illi, qui res humanas discunt arbitrantur hoc quod didicere, tum sibi tum aliis, quibuscumque velint, se facere posse: sic & illi, qui res divinas inquirunt, arbitrentur se, postea quam cognoverint, quibus rationibus necessariis singula fiant, effecturas ubi velint, ventos, aquas, temporum vicissitudines, aliaque, si quo sit opus, his consimilia. An ejusmodi quiddam ne quidem sperent, satisque habeant scire tantum, quo pacto rerum hujusmodi singulae fiant. De illis igitur qui haec tractarent, hujusmodi proferebat.*

Talis

(a) Lucret. lib. 11. de Rer. Natur.

(b) Lib. 1. Memorabilium Edit. Parisien. Johannis Leunclavii Amelburni.

Talis concupiscentia praeterea nos ad avaritiam impellit, cupiendo per ipsam divitias, & quam maximè possimus, bona hujus Mundl, quae ne quidem desiderium nostrum explent.

Concupiscentia vero carnis, est illa inhaesio sensibus externis, qui perpetuò mentem nostram trahunt ad voluptates, & oblectamenta Gustus, Odoratus, Auditus, ac magis ad ea, quae propriè carnis dicuntur, quinque denique sensuum corporis. Qui haud mali ob usum, quo a Deo nobis donati fuere; sicuti ne quidem mala esset voluptas, quam ab ipsis experimur, si eam ultimum nostrum finem non efficeremus. At quia ipsi post Adami lapsum, non amplius intellectus lumine, quod obscurarunt, reguntur, nos suis voluptatibus solum occupandos impellunt.

Explicita mortali concupiscentia in Adamo relicta post peccatum, superest nunc videndum, quomodo ab eo ad nos omnes permanerit, ac una simul cum ipsa, infirmitates, dolores, universae denique corporeae afflictiones.

Ad hoc inspiciendum, nullus conatus, nulla demonstratio opus esset, cum in omnibus casibus peculiaribus experiamur, fateamurque. Nam si vivere inordinate, in temperanter, dissolutè, alicui *podagram* attulerit, qui morbus articularis inde ab eo ad ejus posteros transierit, hujusmodi transitum in dubium non vocamus, nec admiramur, sed statim ejus, ut morbi haereditarii, necessitatem agnoscimus. Idem contingit in calculorum morbo, pectoris, venereo &c. Quodam vitia vero, seu mala mentis ut sunt concupiscentiae, quot gentilitia in Familiis semper habita fuere, & nunc habentur? Claudiorum asperitas, Tarquiniorum superbia in omnibus innotescunt Historiis; sed quid plura? ad integras usque Nationes permanere. Cui non patet Graecorum infidelitas, Punicorum perfidia, Asianorum molliities; & de
pravo

pravo Cretensium ingenio , ille Poeta a S. Paulo citatus, dicit : *Cretenses mendaces , ventres pigri , malae bestiae* . Quid igitur mirum si depravatis nostrorum Protoparentum mentibus , corporibusque , ad nos omnes eorum mala , tam mentis , quam corporis permanere ?

At ipsa nostra concupiscentia , ipsamet superbia vitae , tam claram , tam evidentem notionem nobis subtrahere studet : illa namque , cum mancipatum intellectum sibi reddiderit , eo uti vult , sed non ubi turpitudines suas , earumque originem detegere possit . Illa in Adamo primum in illo *eritis sicut Dii* agnoscere noluit suam subjectionem , & dependentiam a Deo , ac propterea mala omnia , quae nos patimur , in eum impulit . Nunc ipsa nobis suggerit hanc dependentiam à Deo , sed ad illi insultandum , quasi hisce malis nos creasset . Illa in peculiaribus vitiis , malisque haereditariis ac gentilitiis , permittit intellectui , eorum naturalem causam decernere . At vero in universalibus totius generis humani , quamquam verè haereditariis , verè gentilitiis ut illa , hincque eorum naturalis causa perinde sit ac illa , quam supra dixi , clara , & evidens ; nostra superbia tamen haud finit intellectum nostrum progredi eam visurum .

Sed ut illam prosternamus , ademptis effugiis , quibus se obtegere curat , ad extrema translationis in nos adamitici peccati , quae tam corporibus , quam animabus nostris corruptionem intulit , descendere studebimus .

Animadvertendum idcirco erit , quod sicuti Deus post formatum Adami corpus *inspiravit in faciem ejus spiraculum vitae* , creando scilicet animam , illius corpori uniendam : & idem quoque fecisset cum Eva , eodem modo etiam in posterum disposuisse , ut formato , organisque aptato corpore in mulieris sinu a viro foecundatae , ipse Deus creasset animam huic corpori infundendam , taliter , ut *Anima creando infunditur , infundendo creatur* , ut ait Innoc. III. in *Psal. L.* Sed cum peccatum nostrorum Protoparentum non

(XXXIV.)

tantum mentes , verum etiam eorum corpora corrupisset , eorum symmetriam depravans , ut supra vidimus , hinc Adami feminis , atque Evae ovarii corruptio : ex his autem eorum filii progeniti , eorum quoque corpora corrumpi debuere .

Et si Malebranchianae hypothefi fides adhibeatur , quae hisce nostris temporibus indubitabilis habetur , universa hominum corpora in Evae ovario fuisse , eo modo , quo (ut volunt) plantae omnes ad finem usque Mundi futurae , in semine primae , illa gradatione partium infinitè parvarum , ut ex dicta hypothefi , essent , ac proinde si talis hypothefis vera esset , in actu , quo Eva peccavit , omnium mortalium corpora jam in ejus ovario fuissent corrupta . Opinionem autem istam tanquam hypotheticam nec nobis satisfaciendam , minimè sequentes , pro certo habemus corporum corruptionem a genitoribus ad filios successivè transire .

Formatis igitur corporibus , Deus animam illis infundendam creat , quae licet perfecta , tamen , cum eo ipso suae creationis puncto corpori infundatur in eodem momento hujus corruptionem contrahit , ut egregiè Urbanus IV. , & Innoc. III. Pontif. Max. in *Psal. L.* , & ante eos Divus Augustinus *De Genes. ad lit. lib. X. c. 10.* En quomodo corruptio tam Animae , quam corporis Progenitorum nostrorum ab ipsis ad nos permanavit .

Sed ut distinctius hanc corruptionis permanationem videamus , perpendendum est , quod Patres ferè omnes dicunt . Carnis stimula Progenitores nostros , ante lapsum , non sensisse , cum revera ipsi post peccatum se conjunxerint . Sed si fuisset sensus carnis in eo gradu , quo alii sensus , hoc est rationi subiecti , certum est quod iste fuit primus , qui post peccatum ipsos advertit , tam se , quam eorum corpora , eis obedientiam abdicasse . Quia pars illa corporis , quae praecipua hujus sensus erat causa , movens se contra illorum voluntatem , effecit , ut
hujus

(XXXV.)

hujus inordinationis illos puderet , eamque contexerent . Exinde prima defectio proprii corporis ab ipsis Progenitoribus . Quae tamen longe major in generationis observatur actu , qui tanta corporis perturbatione fit , & ab eo vehementius ad animam transit , ut eam tunc quasi phreneticam considerare licet . Unde duplex ista perturbatio , nempe corporis , & animae effecit , ut Democritus , Hyppocrates , Galenus , omnesque tam veteres , quam recentiores Medici , hunc actum , generalem convulsionem , & Epilepsiam appellaverint . Et Alexander per hunc actum , suae humanitatis infirmitatem noscere fatebatur .

Cum per hunc actum igitur ita perturbatum , ita incompositum , post peccatum generatus sit homo , quid mirum si ejus corpus necessarid corruptum nasci debuisset ?

Hanc concupiscentiam per generationis actum nobis inditam , Nutrices in pueris magis confirmant , adaugentque illis lascivis basiis , a quibus concupiscentia carnis tenellulae aetati vehementer imprimitur ; illis in parietem pulsationibus , & in quodvis aliud corpus , unde malum sensit infans , vindictae spiritus in eo alitur : aliis quibusque modis , per quos Magister meus Gregorius Caropresius , omnibus septem peccatis mortalibus eorum mentem imbui , ostendebat .

Exacta vero pueritia , omnes , qui nos circumstant , quid aliud agunt , & conantur , nisi in nobis concupiscentiam magis , magisque incendere ?

Datur nobili puero bonus Rector , sed iste erit unus inter tot , tantosque alios , qui destruent , quod ipse aedificare vellet . Et nihilominus iste bonus Rector , quid in eum boni instillabit ? Urbanitates , honoris stimulos , omne denique mundanum bonum ; sed nemo eum alloquitur de quaerendo vero bono , nempe Deo , pro suarum actionum scopo .

Responsio tribus Baelii difficultatibus.

Postquam praesentem nostrarum mentium corporumque statum agnovimus , & exinde veram causam infirmitatis nostrae voluntatis ad bonum , tum suae inclinationis ad malum , aliarum duarum Baelianarum difficultatum contra divinam providentiam , vanitatem ostendimus . Cur scilicet Deus creavit eos , qui damnari debeant ? Et cur poenae reprobtorum aeternae ?

Quibus ut respondeamus , etiam ejus tertiam querimoniam adjungemus , hoc est . Quare nos impeccabiles non creaverit ? Cujus futilitas , quamquam alibi ostendimus , hic tamen , eam aliis adnectendo , eo magis patebit .

Quod ad hanc igitur , videlicet : Quare Deus nos peccabiles creaverit ? exclamare cogimur . O superbia humana in quam demissionem , in quantam abjectionem te ipsam redigis ! Tu in illo *eris sicut Dii* , Deus esse volebas , & nunc in vilem *materiae* conditionem te intueri contendis quo tuam pravitatem excuses . Ergo nec tibi electio nec voluntas esse velles , sed instar purae machinae absque principio in te , & ex temetipsa , operandi ? Quod ad alteram , cur Deus nimirum creasset te , qui damnandus eras ? En aliam abjectionem prima viliorē , scilicet velle ex nihilo non eductum fuisse : cum ultimum omnium vilissimum sit non esse . Sed esto tibi minus malum non fuisse . Ergo tu Dei praescientiam introspicere ea parte tantum affectas , ut ei insultes ? Sed cur non usquequaque ? Deus enim quoque praeviderat fore te illum , qui tua sola voluntate damnari voluisses , ejus munera , omnesque gratias respuendo . Ergo cur Deus in nihilum te relinqueret , quem criminofum , fontemque in sua mente videbat , ideoque illa , quam tu gratiam credis , indignum ? Hoc non erat infortunium , quod

(XXXVII.)

quod tibi aliunde venisset , sed illud a temetipso parasti , ac tute ipse voluisti .

Sed ut tertia evanescat obiectio quoad poenarum aeternitatem , ac pariter ut penitus concludatur responsio hisce tribus querelis , quas tantum reprobis aliquis in medium proferret : Demus Deum usque eo descendere , ut huic rationem suam probaret , ac propterea ei diceret .

Quod ego te impeccabilem non creaverim quereris : id perinde esset , ac si tuae voluntatis me finem ultimum faceres : peccatum vero temetipsum . Si igitur tibi jam adulterium aliquod commissuro dixissem , ut me tuorum desideriorum , & non te ipsum , ultimum finem faceres , negasses utique , pravam illam tuam concupiscentiam secuturus . Quod & reipsa probasti , quia ego debitum , imo veram utilitatem tuam in faciendo me ultimum tuum finem , & non te , non destiti te monere , utpote qui non mihi inhaerendo , in malorum barathrum ruisses . Hoc satis superque te monitum voluit ille stimulus quem dum peccare meditabaris conscientiae tuae indidi : ergo tu illi obfistens , impeccabilis esse noluisti . Idemque fuit quoties peccasti in gratiae contemptum , cujus te participem reddebam eo stimulo , quo talis , scilicet non peccans ut semper fieres , nunquam per me stetit .

Quod vero te creatum fuisse quereris , id ipsum a te quod superius , peto . Nempe , ubi peccaturus eras , voluisses te natum non fuisse ? Neutiquam : aliter peccasses nunquam . Ergo tu esse maluisti in tuo tam tibi dilecto Mundo , quem potiore me semper habuisti .

Quod tandem aeternitatem poenarum quereris . Ego mentem te creans , feci omnium rerum creatarum perfectissimam : qui a cum rebus materialibus alia perfectio non esset , quam illa sui proprii esse , tibi praeterea illa , quae verè , ac propriè perfectio dici debet , nimirum
illud

(XXXVIII.)

illud Principium in te , & ex te operandi , illa intelligentia , qua me cognosceres , denique interminata voluntas , ut in me solo tuum bonum inveniens , quiesceret . Ista igitur actione , a te , & in te agere , & operari in rebus materialibus tibi praebui , ac superesse illis . Itaque tu libera , tu dominans , nemini , quam mihi , suberas , & hoc subesse mihi , necessarium tibi erat ut creaturae , quae independentes a me , conservari minime potuisses .

Sed tu donis tibi concessis abutens , teque tuum ultimum finem faciens , dependentiam meam ablegasti ; hinc evenit , quod res materiales , praesertim terrenae , quas tu relicturus eras , tuo imperio se subtraxere . Unde (*) si tu antea operaberis , agebas in illas , illae nunc agunt , operantur in te , adigentes te pati illos sensus , quos nolles ; & quia inter rerum materialium motus , ille ignis est longe vehementior , ideo horrendum cruciatum in te , quem experiris excitat ; quamobrem ista poena sensus est tibi a temetipso . Illam damni , carentiam scilicet mei , te quoque voluisse clarius patet , respuendo meum auxilium , faciendo te ipsum ultimum finem , ac res , & bona Mundi , quae sperabas tibi satisfactura . Si igitur spreveris me , me abjecisti ; cur quereris me abs te non possideri ? Ergo tu temet in tot , tantasque poenas dejecisti .

Cum autem materia imperium quod in te tute illi dedisti , adquisierit , cur eo quaeris a me illam spoliari ? Sed esto quod ego vellem ; nunc quaero abs te , an frui me , me amare , me ultimum finem tuorum desideriorum facere velis ? Certe quod non , respondebis : etenim in tali statu cum te abjecisses , necessario ita respondere debes : quandoquidem , si cum olim cras in perfecto indiffe-

(*) S. August. in Ep. Johan. cap. 4. *sub quo esse debuit , subditur eis ,*
Traët. 8. *Quia vero per peccatum supra quae esse debuit &c. Vide to-*
mo deseruis eum (h. e. Deum) tum Traët.

(XXXIX.)

differentiae aequilibrio, vel me, vel te tuorum desideriorum finem ultimum faciendi, lancem nihilominus tuae electionis ad temetipsum impulisti, & consequenter ad res mundanas, atque corporeas; quale robur nunc amplius in te remanet, effereendi lancem istam, ut in partem meam potius propendeat? Imo tute ipse extinxisti tibi vim omnem, omnem voluntatem redeundi ad me. Nam si in primo actu peccandi ad te inclinare maluisti, in secundo, huic tuae inclinationi, obstinationem adjiciens sustinendi primum, uti factum abs te; in tertio, obstinationem secundi, ac ita in omni momento, novam semper obstinationem addens, illa infinite fortis, ac diuturna erit in te, solaque propterea voluntatem tuam occupabit. Nam tu nec amplius teipsum amas, neque res Mundi, imo eas, teque, tamquam poenarum tuarum causas odio prosequeris, ac praefertim me, quem extinctum videre velles; itaut hoc tibi solum desiderium sit relictum. Sed quomodo me conficere, & consumere possim? Et si id accideret, non ideo te tuis poenis eximeres. Qua ergo ratione poenae tuae finem habebunt, te actum illum earum causam impensius prosequente? Si aeternus hic tuus actus, aeterna quoque poena tua erit.

Postquam istarum objectionum contra divinam Providentiam, inutilitatem ostendimus, huic sermoni finem faciamus, aperiendo, cogitationes ipsas, quibus istae objectiones innituntur, nobis utilitati fore; si eis non ut difficultatibus ad insultandum Deo, sed ut mediis ne eum offendamus, aut ut commissam offensam emendemus utamur.

Si igitur impeccabilis esse velis, perfectionem hanc, ne tibi a tua natura esse cupias; superbissimum enim foret hoc desiderium, velle nimirum esse Deo similem. At quoties a concupiscentia tua versus res creatas impelleris, fac tibi in mentem veniat, quod ipsis imbecillioribus
explen-


(XL.)

explendis tuis desideriis, tu praecipitatus in miseriarum abyssum inveniēris: ideoque tunc ad firmum fulcimen, verum solamen Dei confugas, oportet. Sic faciens in omni actu, ad vitae finem usque te non peccantem inveneris, vel saltem graviorum facinorum immunem; ac etiam post mortem, impeccabilem, si non natura, sed illa quadam gloriosa necessitate, quam tibi tua recta ratio vitae quaesivit, concupiscentiae viriliter obstitendo.

Ut autem tibi contra ipsam conduplicentur auxilia, unam maximam aeternae damnationis miseriam meditare, in quam ipsamet concupiscentia, te praecipitem dabit, quia hac via effugies illam, & non eo vano, & desperato desiderio deprecandi, dum pateris eam, quam tute ipse tibi comparasti.

Ut autem post commissum peccatum resipiscas, bonum tibi erit optare, te natum non fuisse, qui tam maximè ingratus Creatorem, Conservatorem, ac Redemptorem tuum offendere debebas. Quia hoc desiderium etsi effectum destruendi te, habere minime possit; habebit tamen illum ~~evigandi tui a peccato~~, augendo in te horrorem illius, atque hinc placandi Dei ad veniam tibi: sed si hoc desiderium, in altero mundo expectabis habendum, nedum inutile, sed vanum, desperatumque perinde, ac primum, experire.

F I N I S.





005674392

Digitized by Google

